

48. gr.

Málskot.

Ákvörðunum Barnaverndarstofu um leyfisveitingu og leyfissviptingu er unnt að skjóta til kærunefndar barnaverndarmála.

49. gr.

Gildistaka.

Reglugerð þessi, sem sett er skv. 2. mgr. 38. gr., 5. mgr. 84. gr., 2. mgr. 85. gr. og 2. mgr. 86. gr. barnaverndarlaga, nr. 80/2002, öðlast þegar gildi.

Félagsmálaráðuneytinu, 21. júlí 2004.

Árni Magnússon.

Hermann Sæmundsson.

SAMÞYKKT

um breytingar á samþykkt um stjórn Reykjavíkurborgar og fundarskóp borgarstjórnar nr. 638/2001, með síðari breytingum.

1. gr.

5. gr. samþykktarinnar verður svohljóðandi:

Borgarstjórn heldur reglulega fundi tvisvar í mánuði, fyrsta og þriðja þriðjudag hvers mánaðar sem ekki ber upp á helgidag eða almennan frídag, og skal fundur að jafnaði hefjast kl. 14.00. Falli reglulegur fundardagur á helgidag eða almennan frídag skal boða til aukafundar þann virkan dag á undan eða eftir sem næstur er.

Aðra aukafundi skal halda samkvæmt ákvörðun borgarstjóra, forsætisnefndar eða ef fimm borgarfulltrúar hið fæsta krefjast þess, enda geri þeir grein fyrir ástæðum og fundar-efni.

Heimilt er borgarstjórn að fella niður fundi í allt að tvo mánuði samfelldt að sumarlagi. Á meðan á sumarleyfi borgarstjórnar stendur fer borgarráð með sömu heimildir og borgarstjórn hefur ella, sbr. þó 5. mgr. 51. gr.

2. gr.

1. málsliður 1. mgr. 7. gr. samþykktarinnar orðast svo:

Borgarstjóri boðar til borgarstjórnarfundar skv. 5. gr.

3. gr.

8. gr. samþykktarinnar verður svohljóðandi:

Forseti borgarstjórnar semur dagskrá borgarstjórnarfundar og skal dagskráin fylgja fundarboði.

Á dagskrá skal taka í þeirri röð sem að neðan greinir:

1. Lögákveðnar kosningar, svo sem kosningu forseta borgarstjórnar og tveggja varaforseta, kosningar nefnda, ráða og stjórna á vegum borgarinnar svo og kosningu borgarstjóra.

2. Mál sem falla undir verksvið borgarstjórnar, sbr. 4. gr., og forsætisnefnd, borgarstjóri eða einstakir borgarfulltrúar vilja taka á dagskrá. Ósk um slíkt, eftir atvikum með tillögu eða fyrirspurn, skal berast skrifstofustjóra borgarstjórnar skriflega eða með rafrænum hætti eigi síðar en kl. 12.00 tveimur virkum dögum fyrir fund.
3. Fundargerðir borgarráðs ásamt fundargerðum eftirtalinnar nefnda, ráða og stjórna: Forsætisnefnd, félagsmálaráð, fræðsluráð, hafnarstjórn, íþrótt- og tómstundaráð, leikskólaráð, menningarmálanefnd, samgöngunefnd, skipulags- og byggingarnefnd og umhverfis- og heilbrigðisnefnd.

Í dagskrá skal tilgreina fundarstað og tíma, þær fundargerðir sem fyrir fundi liggja, tillögur sem fram hafa komið og gera í stuttu máli grein fyrir þeim málum öðrum sem um skal fjallað. Fylgja skulu eftirrit fundargerða, tillagna svo og annarra gagna sem geta til upplýsingar orðið um málefni á dagskrá, eftir því sem borgarstjóri telur nauðsynlegt og við verður komið.

4. gr.

Síðari málsliður 1. mgr. 9. gr. samþykktarinnar fellur brott.

5. gr.

Ákvæði 11. gr. samþykktarinnar færast til og verður 3. mgr. 10. gr.

Ákvæði 12. gr. samþykktarinnar verða 11. gr.

6. gr.

12. gr. samþykktarinnar verður svohljóðandi:

Forseti og varaforsetar borgarstjórnar skipa forsætisnefnd og stýrir forseti starfi nefndarinnar. Nú á framboðslisti sem fær kjörinn fulltrúa í borgarstjórn ekki fulltrúa í forsætisnefnd skv. 1. málsl. og skal hann þá tilnefna borgarfulltrúa úr sínum röðum sem áheyrnarfulltrúa í forsætisnefnd með málfrelsi og tillögurétt.

Forsætisnefnd heldur að jafnaði fundi tvisvar í mánuði. Boða skal til aukafunda eftir þörfum. Forseti boðar til funda forsætisnefndar og ákveður dagskrá í samráði við framkvæmdastjóra nefndarinnar.

Verkefni forsætisnefndar eru sem hér segir:

1. Skipuleggur starf borgarstjórnar.
2. Hefur umsjón með alþjóðasamstarfi borgarstjórnar.
3. Fjallar um fjárhags- og starfsáætlun borgarstjórnar.
4. Fjallar um tillögur að breytingum á samþykkt um stjórn Reykjavíkurborgar og fundarsköp borgarstjórnar og samþykktum fyrir einstakar nefndir.
5. Fjallar um álitamál varðandi málsmeðferð í stjórnsýslu og stjórnkerfi Reykjavíkurborgar, sem til hennar er vísað.
6. Setur reglur um kjör og starfsaðstöðu kjörinna fulltrúa, sbr. einnig III. kafla.
7. Ákveður um móttökur á vegum borgarinnar.
8. Fjallar um önnur þau mál sem forseti leggur fyrir hana eða aðrir nefndarmenn, áheyrnarfulltrúar eða skrifstofustjóri borgarstjórnar óska að ræða.

Skrifstofa borgarstjórnar annast umsýslu fyrir forsætisnefnd, þ.m.t. ritun fundargerða, og er skrifstofustjóri borgarstjórnar framkvæmdastjóri forsætisnefndar.

7. gr.

20. gr. samþykktarinnar verður svohljóðandi:

Mál skulu afgreidd í þeirri röð sem dagskrá segir nema borgarstjórn eða forseti ákveði

að önnur röð skuli höfð. Forseti getur ákveðið að tiltekin mál í fundargerð sem á dagskrá er verði gerð að sérstökum dagskrárlið í framhaldi af þeirri fundargerð.

Heimilt er að taka mál á dagskrá þótt ekki sé þess getið í fundarboði, enda samþykki 2/3 viðstaddra borgarfulltrúa þau afbrigði.

8. gr.

Eftirfarandi breytingar verða á 21. gr. samþykktarinnar:

a. 4. tölul. 1. mgr. orðast svo:

Áætlanir fyrir Reykjavíkurborg sem gilda eiga til lengri tíma, svo sem skipulags- og framkvæmdaáætlanir, sem og þriggja ára áætlun skv. 63. gr. sveitarstjórnarlaga.

b. 2. mgr. fellur brott.

9. gr.

Við 27. gr. samþykktarinnar bætist ný málsgrein sem orðast svo:

Forseti getur heimilað borgarfulltrúa að taka til máls utan dagskrár, enda hafi hann ekki átt kost á því að fá málið sett á útsenda dagskrá í tæka tíð.

10. gr.

29. gr. samþykktarinnar verður svohljóðandi:

Framsögumaður má tala þrisvar við hverja umræðu máls en aðrir borgarfulltrúar tvisvar. Borgarfulltrúa er þó heimilt að taka oftari til máls til að bera af sér ámæli eða gera stutta athugasemd um fundarsköp. Borgarstjóri hefur óbundið málfrelsi.

11. gr.

1. og 2. mgr. 30. gr. samþykktarinnar orðast svo:

Við umræðu um mál skv. 2. tölul. 2. mgr. 8. gr. má ræðutími vera allt að 30 mínútur. Ræðutími í síðari ræðu má vera allt að tíu mínútur; hið sama gildir um þriðju ræðu framsögumanns og síðari ræður borgarstjóra. Við umræður um fundargerðir skv. 3. tölul. 2. mgr. 8. gr. er ræðutími takmarkaður við 5 mínútur. Við umræður um mál sem tekin eru á dagskrá skv. 2. mgr. 20. gr. og umræður utan dagskrár skv. 6. mgr. 27. gr. ákveður forseti takmarkanir á ræðutíma.

Ræðutími borgarfulltrúa sem óskar að bera af sér ámæli eða gera stutta athugasemd má vera allt að ein mínúta. Forseti getur þó heimilað lengri ræðutíma við umræður um fundarsköp.

12. gr.

31. gr. samþykktarinnar verður svohljóðandi:

Þrátt fyrir ákvæði 29. gr. getur forseti leyft borgarfulltrúum að veita stutt andsvar við einstökum ræðum strax og þær hafa verið fluttar. Skal þá sá er vill svara bera fram ósk um það við forseta. Andsvari má einungis beina að máli ræðumanns en ekki annarri ræðu eða öðru andsvari.

Hvert andsvar má ekki taka lengri tíma en tvær mínútur og skal ræðumanni heimilt að svara því á tveimur mínútum. Svári ræðumaður andsvari er þeim, sem andsvar veitti, heimilt að veita andsvar öðru sinni og er ræðumanni jafnframt heimilt að svara því andsvari. Veiti fleiri en einn borgarfulltrúi andsvar við sömu ræðu skal ræðumanni að jafnaði veitt færi á að svara hverju andsvari fyrir sig.

Orðaskipti í andsvörum mega ekki standa lengur en 16 mínútur í einu. Heimilt er forseta að takmarka ræðutíma í andsvörum enn frekar en skv. 2. mgr. sé fyrir séð að orðaskipti muni að öðrum kosti standa lengur.

Að jafnaði er forseta heimilt að leyfa borgarfulltrúa að veita andsvar við einni ræðu undir hverjum dagskrárlið.

13. gr.

2. mgr. 33. gr. samþykktarinnar fellur brott.

14. gr.

Eftirfarandi breytingar verða á 46. gr. samþykktarinnar:

a. Í stað orðsins „sveitarsjóði“ í 1. mgr. kemur: borgarsjóði.

b. Í stað orðsins „Borgarstjórn“ í 3. mgr. kemur: Forsætisnefnd.

15. gr.

48. gr. samþykktarinnar verður svohljóðandi:

Borgarstjórn kýs fulltrúa í borgarráð, aðrar nefndir, ráð og stjórnir og leysir þá frá störfum ef því er að skipta samkvæmt ákvæðum laga, reglugerða og samþykktar þessarar og öðrum samþykktum borgarráðs. Slíkar kosningar skulu vera leynilegar bundnar hlutfalls-kosningar ef einhver borgarfulltrúa óskar þess.

Framboðslista, sem fulltrúa á í borgarstjórn, er heimilt að tilnefna borgarfulltrúa eða varaborgarfulltrúa til að sitja fundi borgarráðs eða fastanefnda skv. 61. gr. með málfrelsi og til-lögurétt, enda eigi hann ekki fulltrúa í viðkomandi nefnd.

Starfsmenn fyrirtækja og stofnana Reykjavíkurborgar eru ekki kjörgengir í nefndir, ráð og stjórnir þeirra fyrirtækja eða stofnana er þeir starfa hjá. Borgarstjórn getur vikið frá þessu ákvæði ef málefni vinnuveitanda eru óverulegur þáttur í starfi viðkomandi nefndar og starf viðkomandi einstaklings er ekki þess eðlis að hætta sé á hagsmunaárekstrum þrátt fyrir nefnd-arsetu.

16. gr.

3. mgr. 49. gr. samþykktarinnar fellur brott.

17. gr.

6. mgr. 50. gr. samþykktarinnar orðast svo:

Borgarráð skal að jafnaði halda fundi vikulega á fimmtudögum kl. 12.00. Aukafundi skal halda ef borgarstjóri ákveður það eða ef formaður borgarráðs eða tveir borgarráðsmenn hið fæsta óska þess skriflega.

18. gr.

Í stað tilvísunarinnar „1. mgr. 5. gr.“ í 5. mgr. 51. gr. samþykktarinnar kemur: 3. mgr. 5. gr.

19. gr.

Við 2. mgr. 55. gr. samþykktarinnar bætist nýr málslíður svohljóðandi:

Nefndir sem kosnar eru skv. B-lið 61. gr. skulu að jafnaði halda einn opinn fund árlega.

20. gr.

61. gr. samþykktarinnar verður svohljóðandi:

Borgarstjórn kýs eftirtaldar nefndir til að fara með tiltekin mál eftir sérstökum samþykktum sínum og því sem lög mæla fyrir um:

A. **Til eins árs:**

Sjö borgarfulltrúa í borgarráð og jafnmarga til vara.

B. Til fjögurra ára:

1. Fimm menn í félagsmálaráð og fimm til vara. Formannskjör.
2. Fimm menn í fræðsluráð og fimm til vara. Formannskjör.
3. Fimm menn í íþróttta- og tómstundaráð og fimm til vara. Formannskjör.
4. Fimm menn í leikskólaráð og fimm til vara. Formannskjör.
5. Fimm menn í menningarmálanefnd og fimm til vara. Formannskjör.
6. Fimm menn í samgöngunefnd og fimm til vara. Formannskjör.
7. Sjö menn í skipulags- og byggingarnefnd og sjö til vara. Formannskjör.
8. Fimm menn í umhverfis- og heilbrigðisnefnd og fimm til vara. Formannskjör.

21. gr.

62. gr. samþykktarinnar verður svohljóðandi:

Til viðbótar við þær nefndir, sem borgarstjórn kýs skv. 61. gr., kýs hún eftirtaldar nefndir eftir sérstökum samþykktum sínum og því sem lög mæla fyrir um:

A. Til eins árs:

1. Fimm menn í stjórn Orkuveitu Reykjavíkur sf. og fimm til vara. Formannskjör.
2. Þrjá menn í stjórn Landsvirkjunar og þrjá til vara.

B. Til fjögurra ára:

1. Tvo menn í almannavarnanefnd.
2. Fimm menn í barnaverndarnefnd og fimm til vara. Formannskjör.
3. Þrjá menn í stjórn Fasteignastofu og þrjá til vara. Formannskjör.
4. Fimm menn í framtalsnefnd og fimm til vara. Formannskjör.
5. Fimm menn í hafnarstjórn og fimm til vara. Formannskjör.
6. Þrjá menn í hvert hverfisráð og þrjá til vara. Formannskjör.
7. Þrjá menn í stjórn Höfuðborgarstofu og þrjá til vara. Formannskjör.
8. Þrjá menn í innkauparáð og þrjá til vara. Formannskjör.
9. Fimm menn í jafnréttisnefnd og fimm til vara. Formannskjör.
10. Þrjá menn í stjórn Lífeyrissjóðs starfsmanna Reykjavíkurborgar og þrjá til vara.
11. Tvo menn í samstarfsnefnd um lögreglumálefni og tvo til vara. Formannskjör.
12. Þrjá menn í stjórn Skipulagssjóðs og þrjá til vara.
13. Tvo skoðunarmenn ársreiknings Reykjavíkurborgar og tvo til vara.
14. Þrjá menn í stjórn Vinnuskólans og þrjá til vara. Formannskjör.

C. Kjörstjórnir við borgarstjórnarkosningar.

Þrjá menn í yfirkjörstjórn og þrjá til vara, þrjá menn í hverja hverfiskjörstjórn og þrjá menn í hverja undirkjörstjórn.

D. Aðrar stjórnir, ráð og nefndir.

Borgarstjórn/borgarráð kýs eða tilnefnir fulltrúa sína í ýmsar stjórnir, ráð eða nefndir samkvæmt ákvæðum laga og reglugerða eða samkvæmt sérstökum samþykktum.

Samþykkt þessi, sem sett er af borgarstjórn Reykjavíkurborgar skv. 10. og 25. gr. sveit-
arstjórnarlaga, staðfestist hér með til að öðlast þegar gildi.

Félagsmálaráðuneytinu, 20. júlí 2004.

F. h. r.

Guðjón Bragason.

Lárus Bollason.